



Paracetamol 650mg

Setiap kaplet mengandungi 650mg Paracetamol, Potassium Sorbate, Talc, Corn Starch, Povidone, Stearic Acid, Soluble Starch.

Pengawet: Potassium Sorbate 0.1mg/kaplet.

Deskripsi Produk

Putih, berbentuk kaplet, dengan tanda yang tertentu, bebas daripada bahan asing.

Indikasi

Paradol Caplet 650mg adalah diguna untuk melegakan kesakitan seperti sakit kepala; keadaan dysmenorrhea yang mengakibatkan sakit otot, myalgia dan neuralgia. Ia juga bertindak sebagai analgesik dan antipiretik dalam keadaan yang menyebabkan rasa tidak selesa dan demam, seperti jangkitan virus dan selsema. Paradol adalah analgesic yang berkesan selepas mencabut gigi dan setelah tumbuh gigi.

Dos yang Disyorkan

Usia	Kaplet	Kekerapan
12+ Dewasa (termasuk warga tua)	1 - 1 1/2 kaplet (650mg- 975mg paracetamol)	Setiap 4-6 jam bila perlu (tidak melebihi 6 kaplet (3900mg paracetamol) dalam sehari)

- Jangan melebihi dos yang disyorkan.
- Dos paling rendah yang dapat memberi keberkesanan harus digunakan untuk tempoh rawatan yang paling singkat.
- Pastikan anda tidak ambil lebih kerap daripada setiap 4 jam.
- Dos maksimum harian: 4000mg (6 kaplet).
- Tidak disyorkan untuk kanak-kanak di bawah umur 12 tahun.

Kemerotan buah pinggang: Pesakit yang didiagnosis mengalami masalah buah pinggang mesti mendapatkan nasihat perubatan sebelum mengambil ubat ini. Batasan yang berkaitan dengan penggunaan produk paracetamol pada pesakit dengan masalah buah pinggang adalah akibat daripada kandungan paracetamol dalam ubat (sila rujuk kepada Seksyen Amaran dan Perhatian).

Kemerotan hati: Pesakit yang didiagnosis mengalami masalah hati mesti mendapatkan nasihat perubatan sebelum mengambil ubat ini. Batasan yang berkaitan dengan penggunaan produk paracetamol pada pesakit dengan masalah hati adalah akibat daripada kandungan paracetamol dalam ubat (sila rujuk kepada Seksyen Amaran dan Perhatian).

Cara Pengambilan

Pengambilan secara oral sahaja.

Kontraindikasi

Jangan ambil ubat ini sekiranya anda alah kepada paracetamol atau kandungan lain dalam ubat ini.

Amaran & Perhatian

Jangan mengambil lebih daripada dos yang disyorkan kerana ia boleh menyebabkan kerosakan serius pada hati anda.

Rujuk dengan doktor anda sebelum mengambil jika anda:

- mempunyai masalah kerosakan hati atau buah pinggang
- kurang berat badan atau kekurangan zat makanan
- kerap minum alkohol

Anda mungkin perlu mengelakkan penggunaan produk ini sama sekali atau mengehadkan jumlah paracetamol yang anda ambil.

Rujuk dengan doktor anda sebelum mengambil jika anda:

- mempunyai jangkitan yang teruk, kekurangan zat makanan teruk, kurang berat badan teruk atau peminum alkohol berat secara kronik kerana ini boleh meningkatkan risiko asidosis metabolik. Tanda-tanda asidosis metabolik termasuk:
- Pernafasan yang mendalam, cepat, sukar
- Rasa sakit (mual), sakit (muntah)
- hilang selera makan

Hubungi doktor dengan segera jika anda mendapat kombinasi gejala-gejala ini.

Sila jumpa doktor jika gejala masih berlanjutan.

Jauhkan daripada pandangan dan capaian kanak-kanak. *Keep out of the sight and reach of children.*

Sentiasa membaca dan ikut arahan pada label.

Ubat ini mengandungi PARACETAMOL. Jangan mengambil sebarang ubat-ubatan lain yang mengandungi paracetamol pada masa yang sama.

AMARAN ALAHAN: Paracetamol boleh menyebabkan reaksi kulit yang teruk. Gejala-gejala mungkin termasuk kemerahan kulit, lepuh dan ruam. Ini mungkin tanda-tanda keadaan yang serius. Jika reaksi ini berlaku, hentikan penggunaan ubat ini dan dapatkan bantuan perubatan segera.

Interaksi dengan Ubat-ubatan Lain

Rujuk kepada doktor anda sebelum guna jika anda mengambil warfarin atau ubatan yang serupa bagi mencairkan darah. Kesan anticoagulant warfarin dan coumatin yang lain mungkin ditingkatkan dengan penggunaan harian paracetamol yang berpanjangan sebab peningkatan risiko pendarahan; dos sekali-sekala tidak mempunyai kesan yang ketara.

NP4018508



Paracetamol 650mg

Kehamilan dan Penyusuan

Kehamilan: Seperti penggunaan ubat lain semasa mengandung, wanita hamil harus mendapatkan nasihat perubatan sebelum mengambil paracetamol. Dos berkesan paling rendah dan tempoh rawatan yang paling singkat harus dipertimbangkan.

Penyusuan: Paracetamol dikeluarkan dalam susu ibu tetapi tidak dalam kuantiti yang ketara secara klinikal dengan dos yang disyorkan. Data yang diberikan tidak menghalang penyusuan susu ibu.

Kesan Sampingan

Hentikan pengambilan ubat ini dan beritahu doktor serta-merta jika anda:

- mengalami reaksi alahan seperti ruam kulit atau gatal-gatal; apabila berserta masalah pernafasan atau bengkak bibir, lidah, tekak atau muka.
- mengalami ruam kulit atau pengelupasan atau ulser dalam mulut.
- pernah mengalami masalah pernafasan dengan aspirin atau ubat anti-radang tanpa steroid, dan mengalami reaksi yang serupa dengan produk ini.
- mengalami lebam atau pendarahan yang tidak diketahui puncaranya.

Reaksi-reaksi ini jarang berlaku.

Daripada data pasca pemasaran, reaksi-reaksi di bawah ini sangat jarang berlaku:

Thrombositopenia, Anafilaksis, reaksi hipersensitiviti kulit termasuk, antara lain, ruam kulit, angioedema, sindrom Stevens-Johnson dan Nekrolisis Epidemik Toksik, Bronkospasme pada pesakit yang sensitif terhadap aspirin dan NSAID lain, disfungsi hepatic.

Gejala-gejala dan Rawatan Terlebi Dos

Jika terambil dos berlebihan, dapatkan nasihat doktor dengan segera walaupun anda tidak mengalami sebarang gejala kerana risiko kerosakan hati.

Gejala dan Tanda:

Pengambilan dos paracetamol yang berlebihan boleh menyebabkan kegagalan hati yang mungkin memerlukan pemindahan hati atau kematian. Pankreatitis akut telah diperhatikan, biasanya dengan disfungsi hepatic dan keracunan hati.

Rawatan:

Tindakan rawatan perubatan diperlukan segera sekiranya berlaku dos berlebihan walaupun tiada gejala dos berlebihan.

Sekiranya berlebihan dos disahkan atau diyakini, dapatkan nasihat segera dari Pusat Racun Negara dan rujuk pesakit ke Pusat Perubatan Kecemasan terdekat untuk pengurusan dan rawatan pakar. Ini harus dilakukan walaupun pada pesakit tanpa gejala atau tanda-tanda dos berlebihan kerana risiko kerosakan hati yang tertangguh.

Penglibatan N-acetylcysteine atau methionine mungkin diperlukan.

Kesan Keupayaan Memandu dan Menggunakan Mesin

Kurang berkemungkinan memberi kesan kepada keupayaan memandu dan menggunakan mesin.

Farmakodinamik

Mekanisme Tindakan:

Paracetamol adalah sejenis analgesik dan antipiretik. Mekanisme tindakannya dipercayai termasuk perencatan sintesis prostaglandin, terutamanya dalam pusat sistem saraf.

Kesan-kesan Farmakodinamik:

Kekurangan perencatan prostaglandin periferal menghasilkan ciri-ciri farmakologi yang penting seperti pemeliharaan prostaglandin pelindung dalam saluran gastrousus. Oleh itu, paracetamol adalah sangat sesuai untuk pesakit dengan sejarah penyakit atau pesakit yang mengambil ubat serentak, di mana perencatan prostaglandin periferal tidak diingini (seperti, contohnya, mereka yang mempunyai sejarah pendarahan gastrousus atau warga tua).

Farmakokinetik

Penyerapan:

Paracetamol diserap dengan pantas dan hampir keseluruhannya daripada saluran gastrousus.

Pagihlisan:

Pasutur kepada protein plasma adalah minimum pada kepekatan terapeutik.

Metabolisme:

Paracetamol dimetabolismekan di dalam hati dan dikeluarkan melalui air kencing terutamanya sebagai konjugat glukuronida dan sulfat.

Penyingkiran:

Kurang daripada 5% dikumuhkan sebagai paracetamol yang tidak diubahsuai.

Cara Penyimpanan

Simpan di bawah suhu 30°C.

Salz Pek

90 kaplet.

Tarikh Dikemaskini: Ogos 2025

Dikilangkan oleh: Sterling Drug (Malaya) Sdn. Bhd. (Registration No: 196201000072 (4578-P))
Lot 89, Jalan Enggang, Ampang/Hulu Kelang Industrial Estate, 68000 Ampang, Selangor, Malaysia.

Pemegang Pendaftaran Produk: Haleon Malaysia Sdn. Bhd. (Registration No: 199901000115 (3467-X))
Lot 89, Jalan Enggang, Ampang/Hulu Kelang Industrial Estate, 68000 Ampang, Selangor, Malaysia.

Dilimport oleh: Kingston Beverage & Creamery Sdn. Bhd.
Plot 73, Lot 3, 4, 5 & 6, Berli Industrial Complex,
Jalan Gadong BE 1118, Negara Brunei Darussalam. Tel: 673-2450102



1800 88 3225 mystory.my@haleon.com

Cap dagangan adalah dimiliki oleh atau disserikan kepada kumpulan syarikat Haleon.
2025 kumpulan syarikat Haleon atau pemberi lesenanya.

NP4018508